

EL DECRETO SOBRE EL ALCANCE DEL ARTICULO 6.º DEL CONCORDATO

I. TEXTO DEL DECRETO

Sacra Congregatio Rituum

(Prot. N. D. 19/954)

Dioecesium Hispaniae

Cum huic Sacrae Congregationi Rituum nonnullae propositae sint quaestiones ad interpretationem quod attinet art. VI sollemnis Conventionis inter Sanctam Sedem et Hispaniam initae, nempe:

1.º Quomodo in liturgicis precibus appellandus sit Supremus Civitatis Moderator.

2.º Quae sit obligatio et quanam ratio recitandi "quotidianas" preces ad prosperitatem Supremo Civitatis Moderatori impetrandam "iuxta Sacrae Liturgiae praescripta".

3.º Utrum denique in precibus recens inductis quae in Pervigilio Paschatis recitantur, Supremi Civitatis Moderatoris nomen expresse sit enuntiandum.

Haec Sacra Congregatio Rituum, Hispaniae peculiaribus rerum adiunctis mature perpensis, spectatissimorumque eiusdem Nationis ecclesiasticorum virorum explorata sententia, haec declarat:

Ad primum: Adhibeatur titulus "Ducis", utpote qui iam invaluerit apud fere omnes Hispaniae Dioeceses, quique prorsus anteferendus videatur ceteris id genus appellationibus, quibus aliae utuntur Nationes.

Ad secundum: Cum inde a regii imperii temporibus formula illa liturgica in Hispania usu recepta sit, initio hisce verbis expressa: "Et famulos...", eadem formula vigere pergat; eius autem recitatio, hactenus arbitrio relicta, omnes iam obligat vi art. VI, et quidem, ut fert consuetudo, in omnibus Missis cum sollemnibus tum privatis cuiuslibet ritus, etiam primae classis, exceptis Missis "pro defunctis".

Ad tertium: Cum nova precum formula Pervigilii Paschatis pro omnibus nationibus confecta sit, ac satis sit cuius regiminis generi significando accomodata, eadem etiam in Hispania est adhibenda

Romae, die 6 Iulii 1954.

Caietanus Card. CICOGNANI, *S. R. C. Praefectus*; Alfonsus GARINCI, Archiep. Seleucien., *a Secretis*."